

narodnym městnje na same -a zvučeny, tón pisaj -a a wobkedźbuj, kaž je so hač dotal činiło, jeno tu mału ličbu wuměnkow na -u w § 9, 1.

Připis. a. Pluraliski genitiv kónči w starobołharšćinje při twerdowukhódnych maskulinach pak na połhlósnič -ů (kotryž je w nětčišich přirodnych naryčach woněmił), abo pak na přiwješk -ow-ů (pola nas -ow): n. př. lěs -ů (nom. sing.) — gen. pl. lěs-ů (kajkiž nominativ je), abo lěs-ow-ů, lěsow. Pola nas su tajkele 'krótke' genitivu so zastariše, a hornolužiska serbšćina nałožuje nimale bjez wuměniki přiwješk -ow. Nichtó njepřaji n. př. 'wjele lěs, wuće wjelk, do hrib hić, wot wojak być, džesać pjenježk płaćić' atd.; kóždy Serb rjeknje: 'Wjele lěsow, wuće wjelkow, do hribow hić, wot wojakow być, džesać pjenježkow płaćić'; a tež słowa ze stwerdnjenym wukóncom maju -ow: n. př. wot wótcow zawostajene wašnje, mjena młodych hólcow, wot wótrych kóncow (kónčkow) zranjeny. Krótki genitiv matej jeno słowje '(hód) hody' a '(pjenjez) pjenjezy' we wurazach do hód (vor weihnachten), wot hód, wjele pjenjez a p.

b. Po analogiji maskulina su potom neutra, hdyž bě '-ů' woněmiło, swoje škodowanje přez přiwješk -ow wurunaše: n. př. (blido, tych) blidow, wěkow, wěčkow, pjerow (sto), wjele stow ludźi, (dno) sudobje ma pječ dnow. Krótki genitiv trjeba so we wurazu wjele lět, džesać lět atd.; z pola znaju tónle rozdzěl: Wjele lět wotpowjeda němskemu 'viel jahre', wjele lětow pak němskemu 'viele jahre'. Hewak praji so tež do njebjes, z njebjes, wot njebjes.

c. Z teje samsneje přičiny su tež feminina kóncowku ow přijala: n. př. pječ žonow, wjele rybow, stadło wowcow, spěšnosć kozow, (noc-ě, nóc) džesać nocow, njedosahanje mocow, wjele měcow, z našich wsow. Někotre krótke genitivu trjebaju so w hornym kraju tehdy, hdyž so wo kollektivnosć abo partitivnosć jedna, wosebje do hór, stadło kruw, wjele kar, džesać kop (posledniši wuraz tež w polu trjebany); hewak praji so hrow, kruwow, kurow, kopow: n. př. šěra a módra barba kruwow je pola nas žadna; kak wjele žita sy z twojich kopow měł? — Krótke twórby stron, nowin a dr. su nowšeho pokhoda.